

## Cjalant il firmament

Une gnòt cun fantasie  
io frutin dal cûr content,  
curioson cjalant luncvie  
contemplavi il firmament.

Vere grande maravee  
tant di gjoldi il cjalà,  
dut chel brilo ch'al'incee  
misteriôs al fâs pensà.

Dentrivie ne vosute  
che mi dîs ti vuei judà,  
jò o soi, la to stelute  
e lassù ti vuei puartà.

Vorès veti cu lis stelis  
e podè fati content,

## *Poesie e Racconti Friulani*

stà cun lôr ch'a son tant bielîs  
a ricuart d'un bièl moment.

Mi pareve di sumiami  
tal cjalà chel firmament,  
e cirint di rilassami  
cul pinsîr e sentiment.

E cussì a je nassude  
la sperance di svolà,  
e rivà lassù de stelis  
par stai dongje e cjarezzà.